

Reglemênt vör daelname aan 't Wieërter Vastelaovendj lidjesfestival

1. De tekst mot in 't **Wieërter dialekt** geschrieëve zeen.
2. 't Ingesteurdje lidje mot orzjineel zeen van tekst en millodie (geine cover dus).
3. 't Lidje moog vuuër de 3e november van 't jaor woeë-in 't Lidjesfestival plaatsvîngtj êrges ângers noeëts zeen gepublisieërdj of oeëpenbaar uutgeveurdj.

Meneer van insteure:

4. De inzending deentj uut de volgendje ôngerdaele te bestaon en de volgendje info te verschaffe:
 - a. 'Nne tekst in ein Word-document of PDF.
 - b. 'Nne mp3 of anger audio bestand woeëdet ut lidje dudelik weurtj vuuërgezônge, of gespueëldj.
 - c. Un towlichting di-j aanguftj wi-j (en doeër weem!) det 't nummer straks uutgeveurdj mot waere m.b.t. sfeer, tempo, zânk, evt. un rifferentie-lidje aangaeve woeëdet 't arranzjemênt op moog liêke.
 - d. 't Inschriëfformeeler, per nummer, ôngerteikendj doeër tekstschrîever en komponist.
5. Deilname opgave vuuër **zondag 1 september 2019 doeërgaewe/maile**
6. **De tekst en millodie hoofjt dan nog neet klaor te zeen** echter:
7. **Vuuër zaoterdig 21 september 2019** mot ouch de tekst en millodie aangeleverdj waere.
8. Inzendinge steure nao: ronald@wvlf.nl
9. Half oktoeëber ontvânge de artieste de orkestband met pianomillodie um te oefene.

Seleksie:

10. **Wannieër d'r mieër dan 11 lidjes aangemeldj waere** zal 't WVLF un seleksie-kemissie beneume di-j alle inzendinge be-oeërdaeldj en 11 finale-lidjes beneume. Uut de maksimaal 11 finale-nummers wurjtj straks eine winnaar gekoeëze op zôndig 3 november dae wieter uutgewêrktj/gearranzjieërdj en opgenoeëme weurtj doeër Ronald Moonen. Dit in good overlegk mét, en aan de hand van de wînse van de betrokkene.
11. 'Nne tekstschrîever en/of componist moog aan **maximaal 3 ongerdaele** verbônge zeen beej de letste 11 lidjes. (beveurbieëldj: 2 x tekst en eine kieër de muziek)
12. 'Nne uutveurendje kan met maximaal 1 lidje in de finale staon.
13. **Allein de 11 daelnemers van 't lidjesfestival betale inschriëfgeldj** cq. un beejdrage van € 60,- veur ut make van unne studio-orkestband. Dieëze band blieftj eigendom van 't WVLF. Mocht de betreffendje artiest nao afloup dieëze band wille bliëve gebroeke, dan kan dae aafgekochtj waere vör € 120,-. Op dieës meneer hejje dus unne eksklusieve, broëkbare orkestband vör € 180,- um op te traeje of wieter uut te breenge/opneme!
14. Tekstdichter en komponist gaon akkoeërd met 't gebroeëk van eur lidje doeër de organizâsie van 't WVLF. 't Winnendj lidje weurdj in 't sezoën woeëdet 't wintj neet op 'n ânger meneer uutgebrachtj.
15. De uutveurendje van 't winnendj lidje weurdj geachtj dit gedeurendje 't Vastelaovendjsezoën op aanvraag van de organizâsie van 't WVLF woeë muuëgelik te prizzentieëre. Dit neteurlik in good oeëverleg. De winnaar moog ut lidje insteure nao anger kompetitie's zoeë as 't LVK, en moog hae vreej gebroëk make van de orkestband zônger einige koste.

** Doeër ôngerteikening van 't inschriëfformeeler verklaore de ôngerteikenaars 't reglemênt te kinne en dao onvuuërwaardelik mej in te stumme.*

** De organizâsie en algehieël leiding vanne lidjeswedstriëd, lidjesfestival en de opname ès in hang van 't WVLF. Dao woeë 't reglemênt gein oplossing bringtj, beslisj de organizâsie.*